

Chwilio am Enwau i Ysgolion Newydd Dinbych-y-pysgod!

Mae cynlluniau'n gyrru ymlaen yn dda ar gyfer sefydlu dwy ysgol gynradd newydd yn Ninbych-y-pysgod.

Mae Cyngor Sir Penfro a rhaglen ysgolion yr 21^{ain} ganrif Llywodraeth Cymru'n buddsoddi £8.37 miliwn mewn ysgolion cynradd cyfrwng Saesneg a chyfrwng Cymraeg newydd yn y dref.

Mae adeiladu ar y gweill yn y ddau safle, ac mae'r ysgolion i agor ym mis Medi'r flwyddyn nesaf.

Erbyn hyn mae gan bob ysgol ei chorff llywodraethol dros dro a dechreuodd proses gyflogi pennaeth i bob ysgol. Y bwriad yw penodi ym mis Ionawr 2016.

Mae'r cyrff llywodraethol hefyd wedi gwahodd rhieni a disgyblion o'r ysgolion presennol i awgrymu enwau ar gyfer yr ysgolion newydd.

Maent wedi rhoi eu syniadau ar restr fer ac maent erbyn hyn yn gwahodd sylwadau'r cyhoedd ehangach, neu unrhyw awgrymiadau eraill.

Gall y cyhoedd ymateb ar gyfryngau cymdeithasol, trwy e-bostio Neuadd y Sir, neu drwy ymweld â Llyfrgell Dinbych-y-pysgod a rhoi eu hawgrymiadau i staff y llyfrgell.

Mae'r ddwy restr fer fel a ganlyn:

Rhestr fer o enwau ar gyfer yr ysgol Saesneg

Ysgol Gynradd WR yr Eglwys yng Nghymru Dinbych-y-pysgod

Ysgol WR Robert Recorde yr Eglwys yng Nghymru

• Sylwch: Mae'r ysgol Saesneg yn Ysgol Wirfoddol Dan Reolaeth (WR) yr Eglwys yng Nghymru, a rhaid cynnwys hyn yn ei enw

Rhestr fer o enwau ar gyfer yr ysgol Gymraeg

Ysgol y Tonnau

Ysgol Hafan y Môr

I wneud sylwadau ar y ddwy restr fer:

Ewch ar-lein yn: www.facebook.com/pembrokeshirecountycouncil

www.twitter.com/pembrokeshire

e-bost: educationconsultations@pembrokeshire.gov.uk

Fel arall, piciwch i Lyfrgell Dinbych-y-pysgod gyda'ch awgrym.

